

## Program Subsidi Petrol bantuan tepat

NOOR AZURA SAHRIL | | 19 Disember 2019



Menteri Perdagangan Dalam Negeri dan Hal Ehwal Pengguna Datuk Seri Saifuddin Nasution Ismail - Foto Bernama

AA

**SHAH ALAM** - [DIKEMASKINI] Program Subsidi Petrol (PSP) yang akan dilaksanakan mulai Januari 2020, akan terus disalurkan kepada golongan sasaran yang layak, yang terdiri daripada penerima Bantuan Sara Hidup (BSH) bagi mengurangkan perbelanjaan petrol mereka.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Saifuddin Nasution Ismail berkata, ini merupakan inisiatif kerajaan untuk meringankan beban isi rumah melalui pembiayaan sebahagian kos penggunaan petrol kepada golongan berpendapatan rendah.

"Penerima BSH perlu memenuhi kriteria pemilikan kenderaan yang telah ditetapkan iaitu kereta 1600cc dan ke bawah dan kereta melebihi 1600cc yang berumur 10 tahun dan ke atas.

"Manakala kategori motosikal yang layak pula ialah motosikal 150cc dan ke bawah dan motosikal melebihi 150cc yang berumur tujuh tahun dan ke atas," katanya menerusi kenyataan media.

Program Subsidi Petrol ini akan menyalurkan bantuan tunai yang akan dikreditkan terus ke akaun penerima setiap empat bulan sekali iaitu sebanyak RM30 sebulan bagi kereta dan RM12 sebulan untuk motosikal.

Dianggarkan seramai 2.86 juta penerima akan mendapat manfaat daripada tersebut.



The advertisement features a red car on the left and a blue and yellow robot character on the right. The robot is holding a fuel nozzle and appears to be refueling the car. The text is in Malay and explains the PSP program. At the top left, there are logos for the Malaysian government and the Ministry of Energy, along with the slogan 'BERSAMA-SAMA MELAKSANAKAN TRANSFORMASI MELALUI TEKNOLOGI'. Below the logos is a QR code and the text 'MAKLUMAT LANJUT' and 'SILA HUBUNG'. The main title is 'Program Subsidi Petrol (PSP) APAKAH PSP?'. The text below the title describes the program as an initiative to reduce the burden on low-income households through a new fuel subsidy distribution. It states that this is a form of financial aid to help citizens pay for part of their petrol costs. The robot character is labeled 'MR. RON ikon PSP'.

Program Subsidi Petrol (PSP)  
**APAKAH PSP?**  
Inisiatif Kerajaan untuk meringankan beban **isirumah berpendapatan rendah** melalui pengagihan semula subsidi petrol.  
Ia adalah satu bentuk bantuan kewangan untuk **membantu rakyat membiayai sebahagian** kos penggunaan petrolnya.

MAKLUMAT LANJUT  
SILA HUBUNG

MR. RON  
ikon PSP

Artikel Penuh : <https://www.sinarharian.com.my/article/62590/BERITA/Nasional/Program-Subsidi-Petrol-bantuan-tepat>

© 2018 Hakcipta Terpelihara Kumpulan Karang kraf